

Chhuah țan : October 1984

RAMTHAR

SEPTEMBER



2023



POKHARIA BIAK IN THAR

Jugia Pastor Bial, Jharkhand Mission Field

Ni. 20.07.2023 khân Rev. Dr. C. Lalthanzara, Field Secretary-in Pathian hnênah hlânin a hawng. He Kohhran hi kum 2020-a din a ni a. Tûnah hian kohhran member 100 an awm a, Missionary pakhatin an enkawl a ni.

SERMON

I rawngbàwlina kha hlen rawh

Phêk

8 - 11

RAMTHAR ASSOCIATION CHANCHIN BU THLA KIP CHHUAK

EDITORIAL BOARD 2022 - 2024

Editor	: Rev. Thangzauva	9612950043 (M)
Joint Editors	: Upa Lal̄thahluna Ralte	9862570502 (M)
	: Upa Zoramthanga	9436362385 (M)
News Editor	: Pi Ruth Lalhmangaihi	9862306787 (M)
Cir. Manager	: Pu Lallawmnakima Hmar	8794905993 (M)
Publisher	: Rev. R. Lalhmingsanga	9534928171 (M)

[Office hun chhúgin biak ni thei se]

Member-te

Rev. Dr. C. Chawngghminglana	: Synod Moderator
Upa B. Lalhmunlana	: Synod Secretary (Sr.)
Rev. Dr. K. Lallawmzuala	: Executive Secy., i/c Mission
Upa Lalramlana	: BEC Member
Upa H. Zoramthanga	: BEC Member

Thu chhuah tûr nei chuan hêngahte hian a thawn theih e:

1. Editor/Cir. Manager, Ramthar Chanchinbu, Synod Office, Aizawl, Mizoram - 796001
2. Email: ramtharchanchinbu@gmail.com
3. Whatsapp: 8794905993

Ramthar Chanchin bua thu chhuah hi a ziaktu mawhphurhna a ni.

SYNOD MISSION BOARD HOTUTE

Rev. Dr. K. Lallawmzuala	Executive Secretary
Rev. R. Lalhmingsanga	Secretary
Upa Lal̄thahluna Ralte	Coordinator

KUM KHAT LÂK MAN - ₹ 60/-

A CHHÛNGA THU AWMTE

1. Editor thukhawcháng	1
2. Keimahni	2
3. Ringthar Chanchin Ngaihnawm	3-7
4. Sermon	8-11
5. BUH HMUN AṬANGIN:	12-25
(1) Santipur khuaa Pathian chhan chhuahna...	
(2) Ekadashi Halder-i chanchin	
(3) Subu khuah leh Kohhran chanchin	
6. Tripura Mission Field- Field Secy. lo ni tawhte...	26-29
7. Ramthar rawngbàwna ṭhuang thum - II	25-32

CHATUAN LUNGPIU NGHET

Rev. Thangzauva

Thuthlung Hluiah Pathian Jehova chu ‘lungpui’ tiin sawi a ni a; ‘lungpui nghet tak’, ‘kulhpui’, ‘kulhbing sang’, ‘chhandamna ki’, ‘phaw’, ‘humhimna in’, ‘Israel-ho Lungpui’, tiin sawi a ni bawk (Sam 18:2; 19:14; 31:2; 62:2,6; Isa 30:29). Amah lo chu Pathian reng reng leh lungpui reng reng an awm lo (Isa 44:8). Amah chu a rinawm avang leh veng himtu a nih avangin ‘Lungpui’ tih a ni (Deut 32:1-43). Lal Davida chuan “LALPA chu ka lungpui leh mi chhandamtu a ni a, ka ta ngei a ni; ka lungpui Pathian, amah chu ka ring,” a ti (2 Sam 22:2). Zawlnei Isaia chuan, “LALPA chu kumkhuain ring rawh u. LALPA Pathian chu chatuan lungpui a ni si a (Isa 26:4); amaha rinna nghat chu an petek lo vang (Isa 28:16); chu lungpuia rinna nghat lote chu chutah chuan an tlachhia ang a, an kehsawm vek ang,” a ti (Isa 4:14).

Lal Isuan Petera hnênah, “Nang Petera (Petros) i ni tih ka hrilh bawk a che; he lungpui (petra) chungah hian ka kohhranho ka rem chho vang a, Mitthi Khaw kulh kawngkharthe chuan chu chu an ngam lo vang,” a ti a (Mt 16:18). Grik jawngah chuan ‘petros’ chu ‘petra’ (lungpui) them tihna ni a. Isua hian Kohhran rem chhoh a tumna hi Petera (petros) chungah ni lovin, petra (lungpui) Krista chungah zawk a ni rem chhoh a tum ni.

Thuthlung Hluia Jehova nihna ‘Lungpui’ kha Isua Krista nihnaah hman zui a ni a. Kohhran chu Krista, lungpuia inngat a ni (Mt 16:18). Paula pawhin, “Chu lungpui chu Krista a ni,” a tih ang khan (1 Kor 10:4). Mi fing, lungpui chungah in satu chu a nghing mai mai ngai lo va; mi a, tiau vaivut chung maia satu chu a sawp chhe mai thin a ni (Mt 7:21-24). Chutichuan, sual leh thlemna tuifawn nasa tak karah hian Krista lungpui nghetah kan la ding zel em tih hi inenfiah fo tur a ni.

Krista lungpui nghetah ka ding

Hmun dang zawng chu tiau dup a ni.



KEIMAHNI**† TUARPUINA:**

1) Pi Ningkhawliani (62), Champhai Bethel, Pu Thangzaliana, Evangelist, Unnao (Lucknow Mission Field) nu chu ni 12.7.2023) dar 7:40 khán thaw-hah avangin a thi.

2) Pu V.L Sailova (63), Leitan, Pi Noel Lalvanrami, Health Worker, Kalahore (Barak Area) pa chu ni 17.7.2023 khán Cancer vângin a thi.

3) Pu Thangzuala (82), Sesawng, Pu Lalsangluaia, Evangelist, Tuirûm (Home Mission North) pa chu ni 3.8.2023 khán Thawh-hah vângin a thi.

4) Pi Thangmuri (84), Sihfa, Rev. K. Vanlalhriata, Field Secretary (Patna Mission Field) nu chu ni 6.8.2023 khán *Stroke* vângin a thi.

Ramthar Editorial Board-in lusún chhúngte a tuarpui tak zet a ni. Pathianin awmpuiin thlamuan rawh se.

† PROJECT LIST A LAM THEIH: Synod Mission Board hnuaia Field hrang hrang mamawh tàr lanna (Project List 2023) hi SMB Pisapuiah a lam theih e. Project List hi a chhángtu an awm apiangin chhinchhiah zêl a nih avângin ni tin deuh thaw a danglam a. A thar ber hi SMB Pisapuiah office hun chhúngin a lam theih e. A soft copy (*pdf*) duh kan awm chuan hêng number-ah te hian Whatsapp hmangin (*Call lovin*) a dil theih e.

9856856464 & 8794905993

BANK KAL TLANGA RAMTHAR MAN PE DUH TÁN

Account Holder : SYNOD RAMTHAR

Account No : 10665621086

IFSC : SBIN0007058

Bank : State Bank of India

Branch : Mission Veng

Bank-a pete chuan an pêk veleh Circulation Manager (WhatsApp No. 8794905993) hnênah hriattír ni se.

RINGTHAR CHANCHIN NGAIHNAWM RAMHUAI PUITHIAM AṬANGIN KRISTIANAH

Yapung Punning

Manigong

Field Office biakna: 8798203284



Arunachal & Assam Mission Field (North)-a kan hotuten ka chanchin ziaḱ tura min ti hi ka lâwm hle a; mahse, keimahah chhuan tura a awm loh êm avàng erawh chuan ka insit hle a. Chutih rualin, ka chanchin aṭanga Lal Isua a lo ropui zêl theih nán leh miten Lal Isua an lo hmuhna hmanrua a nih theih nán insit tak chungin ka chanchin ka rawn ziaḱ ve dâwn a ni.

Ka hming chu Yapung Punning a ni a, ka nu hi Yanyang Yajo niin, ka pa hi Dorje Yajo a ni. Ka pianna hmun hi Shi Yomi District chhúnga Manigong khaw bul lawk, Yarmo khua a ni. Ka pian kum tak hi ka Chiang thei tawh lo va (khatih hun lai kán kan chhinchhiah thlap ngai lêm lo), kum 1959 báwr vêl kha ni tain ka hria; a ní leh thla pheih chu ka hre lo tawp a ni. Manigong-ah hian pasal ka neih hnuah chauh kan awm a ni. Manigong hi Tato Pastor Bial chhúnga awm niin, Tato aṭang hian Km 70 vêl a ni a, China ramrî (border) bul maia awm a ni.

Naupang tê ni chungá pasal neih luihtír ka ni a, ka pasal chu Pakdung Punning a ni a; ka pasal hian kum 1999 kán min thihsan tawh a ni. Ani nèn hian fa pali kan nei a; pahnih chuan an naupan laiin min thihsan a, tânah hian fapa pahnih ka nei mék a ni. Ka fapa naupang zâwk pheih chuan kum 2006 kán St. Peters (Synod School) Madhuripathar-a a kal laiin Baptisma a chang tawh nghe nghe a ni.

Sikul hi ka kal miah lo va, keimaha inzir chawpin ziaḱ leh chhiar pawh hi ka thiam ve ngat a ni. Kum 2000 kán

Manigong Govt. High School-ah *peon* hna ka hmu ve a, tân thleng hian chu hna chu ka la thawk ta zêl a ni.

PUITHIAM HNA LEH KRISTIANTE DODÀLNA:

Thlahtute aṭanga Kristian lo kan nih avàngin Kristianna hi ka ngaihsak ngai rêng rêng lo va. Chu mai a ni lo, Kristiante hi ka haw êm êm ṭhìn zâwk a ni. Tân hma aṭanga Donyi Polo (Ni leh Thla betute) kan nih avàngin Kristian hi an pun zêl loh nán nasa takin ka bei ṭhìn a. Kum 1985 aṭang pheĩ kha chuan Donyi Polo puithiam hna ka thawk zui ta a, Manigong leh a chhehvêlah chuan hotu ber niin, mite ràwn leh koh ber ka ni zui ta a ni.

Donyi Polo-ah hian puithiam chi hnih kan awm a, chu chu ‘NIBU’ leh ‘UROM KONE’ kan ti a. NIBU chu tihdamna lam leh zàwlnei lam hna a ni deuh ber a, puithiamah pawh a ṭha chĩ tihna a nih chu. UROM KONE zâwk chu dàwi (*Black Magic*) lam niin, mi dàwi te, mi dang tihnat te leh an natna thlensak te a ni ber a. Kei hi NIBU puithiam niin, a hun lai na nâ na chuan ka lâ vein, ràwn leh koh hlawh ber ka ni ṭhìn.

Kan hna ber chu damlo, min rawn pantute leh min kotute tána inthâwina lo neihsak hi a ni ber. Kan tum ber chu ramhuai tilâwm tûra palai hnathawh a ni deuh ber mai. Zàn dár 7:00 aṭanga zíng lam dár 5:00 thleng te hi dıng chungin, chàwl miah lovin ramhuai hnênah thu te chhamin, ramhuai fakna hla te ka sa ṭhìn a ni. Kan inthâwi dàn zawng zawng chu sawi vek sèn a ni lo va, sawi pawh ni ila, puithiam ve bawk tán lo chuan hriatthiam theih pawh a ni lo. Mi an nat dàn azir zêlin, a ṭûl a nih chuan thil hautak tak tak te pawh phût cháng kan nei ṭhìn a, ran thisenin kan inthâwi ber ṭhìn. Chutih lain, thil dik lo kan tiha, dâwt kan sawi chuan keimahni pawhin kan tuar ve fo. A awmzia ber chu a ngial a nganin ramhuai kan bia ti ila a fiah ber àwm e.

Kan in hi Manigong-a Presbyterian Kohhran Biak In hma chiaha awm a ni a, inkhâwm kal tûrte hi kan kawtah an rawn kal tlang ðhìn. Chu chu ka duh lo êm êm ðhìn a, ðawngkam chhe tinréngin ka lo ànkhum ðhìn. An kalkawng ber pawh pinsak ah te ka vau fo ðhìn. An inkhâwm laite hian Tape leh Radio-ah te hian ring tak takin Donyi Polo hla te ka *play*khum ðhìn a, ka tihbuai theih ang angin an inkhâwm te hi tihbuai ka tum reng ðhìn. Tum khat pheih chu phai lam aṭangin RSS hotute an lo kal a; Hindu nëna inzawma, kan compound-a *mandir* sa tùrin min rawn be nghe nghe a. Chumi tum pawh chuan ka lâwm hle a ni. Mahse, bawng talh lo tùra min tih avàng chauhvín kan inrem thei ta lo a ni (keiniho chuan bawng sa kan ei ðhìn si a).

Manigong-a Biak In thar an sak dáwn pheih chuan ka thin a rim hle a. Nasa tak taka ànkhumin, kan in bula Biak In sak ka remtih loh thu ka hrilh chàrchí a; mahse, Biak In chu an sa zêl tho a ni. Hetih hun laia ka la hriat reng chu khatia ðawngkam chhe tinrénga ka ànkhum ðhìn lai te pawh khán tu man thinrimin min chháng lêt ngai lo va, hmangaihna nèn min dawh tawp mai ðhìn zâwk a ni. Tin, kan inrem theih nán leh Lal Isua ka hmuh ve ngei theih nán báng lovin ka tán an ðawngṭai zâwk ðhìn tih ka hria.

KRISTIAN KA NIH TÂK DÀN

Hetia kan in bul maia Biak In an sak mawlh mawlh lai hian ni khat chu mak deuhvin, sawi thiam theih si loh hian thih ngamin ka na ta tlat mai a. Ni dangah dam lo ve fo mah ila, hetiang hian ka la na ngai lo. Ka thi mai dáwnin ka inhre hial a. Inthâwinatè hlànin theih tâwp chhuah ve bawk mah ila, ka zual telh telh mai si a. Ka mangang êm êm ta mai a, hlauhna chuan min man nasa ta mai a ni.

Hetia natna khuma mangang taka ka mut lai hian ka

thinlungah Kristiante Pathian chu a lo lang a, 'Missionary-ten min ãawngãaisak se ka dam ang' tih hi a rawn lang ta tlat mai a. Hreh tak chung leh beisei nei tlat chung siin hetih laia Missionaty-te pahnih - P.B. Lallawmkima (Lawmtea) leh Nuntharzeliani (Thartei) te nupa chu min ãawngãaisak tûrin ka ko ta tawp mai a. Anni chuan ãahnemngai takin min ãawngãaisak ta a. Chuta ãang chuan thlamuanna mak tak ka lo nei ta a. Chutia thlamuanna ka neih chhoh tâkah chuan ãawngãaina chu ka ring ta êm êm mai a, min ãawngãaisak tûrin ka ko ta fo mai a ni.

Hetia ãawngãaina avànga thlamuanna ka neih hnu pawh hian ka natna chuan min kiansan mai chuang lo va. Ka faten hmun pui lama min hruaiin, Doctor thiam tak takte min ràwnsak a. Mahse chûng doctor-te pawh chuan ka natna chu a chhan an hmuchhuak thei rêng rêng lo va; damdawi chi hrang hrang min pein, min kaltír leh mai ãhìn a ni. Hetia hmun pui lama ka inentír chhúng pawh hian Kohhranhovin min ãawngaisak reng a ni tih ka hria a, ka thlá a muang êm êm mai a ni. Khawvêl Doctor-ten ka natna an hre lo chung leh tihngaihna an hriat loh hnuah pawh Pathian chuan ka natna chu a hre reng a, a hun takah Kohhranhote leh Missionary-ten min ãawngãaisakna avàng chuan Pathianin min tidam leh ta a ni.

Hetia ka dam chhoh leh tâk hnu hian Pathian chu ka Lal leh Chhandamtuah pawmin, Inkhâwm tûr te chuan ka kal ve ta a. Inkhâwm te chu nuam ka ti ta êm êm mai a ni. Mahse, hetih lai ngei pawh hian ramhuai chuan nasa takin min tibuai reng a, min neih lêl leh tumin min bei reng tho a ni. Hetia ramhuaiin min tihbui reng lai hian kan rama ramsa chi khat, vág êm êm mai, ramhnuai pilril tak chauhva khawsa ãhìn - 'Seven' chu kan in bul maiah chuan a lo kal ta mai a. Kan hnam dànah chuan hêng ramsa te khaw chhúnga a lo luh chuan

chhiatna nasa tak lo thleng tùrah kan ngai thìn. Lo thah ngat phei chu thiàng lo hulhualah kan ngai thìn. Chu ramsa chu kan in bulah ber kher a lo kal avàng chuan ramhuaiin minrawn beihna leh minrawn thlèmnah ngaiin ka hlau ta êm êm mai a. A rang lama Baptisma chan chu ka duh ta a. Chu ka duhna chu Missionary-te ka hrilh ta tawp mai a. Tichuan, anni chuan Bialtu Pastor hrilhin, ni 23 May, 2021 khán Bialtu Pastor, Rev. R. Lalfakawma kutah baptisma ka chang ta a ni.

Baptisma ka chan ní, Inkhâwm bànah hian ka inthâwina bawl-hlo zawng zawng chu Missionary-te hnênah pein, tiral vek tùrin ka hrilh ta a. Anni chuan ka inthâwina bàwl-hlo zawng zawng chu min hâl ralsak ta a ni. Hetia ka inthâwina bawl-hlo zawng zawng an hâl ral hnu hian ramhuai chuan min tibuai zui ta lo va, hlim takin Pathian chu ka fak ve thei ta a ni. Ka thinlungah Pathian a lal tlát tawh avàngin ramhuai pawh chu ka hlau tawh lo va, ka thlá a muang êm êm tawh zâwk a ni.

TLIPNA

Tûnah chuan Pathian fa ka ni tawh a, eng ang pawhin Setana hian min lâk lêt leh tumin min bei mah se lêt thei ka ni tawh lo va, ka lêt leh tawh bawh hek lo vang. Tûn hmain Setana puithiam lo ni tawh mah ila, Lalpan min hmangaih a, a fa atána min duh chhúng chuan a fa ka ni zêl dâwn a ni. Chutih laiin, Setana thlèmnah ka do hneh zêl theih nán ka Kristianpuiten thahnemngai taka min tawngtaipui reng tùrin ka ngèn ngâh duh bawh che u a ni.

Chhiartu duh tak, eng anga sualna nasa pawh Pathianin a ngaidam duh a, a hmangaih reng a ni tih hriain, engtik lai pawhin a hnên kan pan chuan min pawm reng dâwn a ni tih i hre thar leh ang u. Lalpa ropui ber rawh se.

[Mizo tawnga lettui - Pu R. Laldusaka, Health Worker, Tato]



SERMON

I RAWNGBÀWLNA KHA HLEN RAWH

2 Tim 4:1-5

Upa Lalmuanpuia
Coordinator, Central KTP
Mobile No: 9436142398



Rawngbàwlina hlen chungcháng hi Pathian thû, thupui sawi hlauh leh sawi zin tak a ni àwm e. Ramthar Chanchin bu chhiartute chu Kohhrana rawngbáwlto kan ni fur ang a; rawngbáwlto chuan chanvo hrang hrang kan chelh vek a, chu kan chanvo chu kan kova Kohhranin mawhphurhna min pêk a ni. Chuvàng chuan ‘rawngbàwlina hlen’ tih hi ‘mawhphurna hlen’ ti pawhin kan sawi thei ang.

‘Rawngbàwlina hlen’ tih hi a awmzia ber nia lang chu ‘Rawng kan bàwlsak, Pathian hna thawk zo’ tihna emaw a ni ang. Ringtute tán chuan dam chhúnga thawh tùr awm leh thawh ngai a nih avàngin thawh zawh tak tak a awm thei dawns lo va. Kan mawhphurhna kan hlen ang a, a dang a lo awm leh zêl ang a; chu chu dam chhúng hian kan hlen zêl a ngai dawns a ni.

Winston Churchill-a chuan, “Ropuina làwmmman siamtu chu mawhphurhna hlen a ni,” a ti a. Ngaihtuah zui dâwl tak a ni àwm e.

Ropuia min siamtu chu kan tih tùr ța taka kan tih hi a ni. Nakina kan la ropuia, PA hnên kan thlen theihna tùr pawh kan dam chhúnga a tána thawh hi a ni.

Ringtute hi eng vângin nge rawngbàwlina hlen tùra infuih a ngaih fo le? Kan mawhphurhna kan hlen loh țin vâng leh keimahniah tlâkchham kan neih țin vâng a ni ang. Rawngbàwl-naa min tihnawk êm êm țin, kan rawngbàwlina a nih tùr ang a nih loh fo țin chhan leh kan hlen leh tâk loh ținna ținekhat nia lang chu:

Ngaia neihna: Rawng kan lo bàwl rei tawh avànga ngaia neih te, palzam leh ngaihthah te a awl duh viau. Kohhranah hian, *‘Kan ti òthin tawh a, a hlâwk chuang lo’* ti thei hi hmun tinah kan awm fur mai thei a ni. Pathian rawngbàwl hna hi ngaia kan neih hun hun hi Kohhran leh mi mal thlarau lam dinhmun tlâk hniam hun a ni dâwn a, ngaia neih a nih hmam kan insiam rem thuai zêl a ngai a ni. Ngaia neih kha lehlam zâwnga ngaih theih a ni a; mahse, kan sawi tum lam chu kan hre tho àwm e.

Mahni insitna: Kohhran hminga kan chêtna apiang hi Kohhran hma lâkna leh rawngbàwl na vek a ni a. Rawngbàwla kan han pên chhuah dâwn chiah hian mahni lam kan inhmu rân mai a, harsa tih leh insitna kan nei fo. Engtin nge ringlo mite ringtua kan siam ang? Mi hlâte kan hnueh hnaih ang? *‘Krista tána nun’* han tum tak tak chuan mahni insitna a lo lang zut zut mai òthin a ni. Chu chiah chu Setana hian a lo

hmang òtangkai a, phatna tùr kan zawng leh ruai òthin a. Phatna han zawn tàkah chuan kan bul hnai têah a lo awm a, kan tih tùr kan tih loh phah fo òthin. Chu chu pal tlanga, huaisen taka kan pên erawh chuan kan rawngbàwl na kan hlen ang a, Pathian pawh a ropuiin, chawimawiin a awm zêl dâwn a ni.

Engtin nge rawngbàwl na kan hlen ang?

1. Chanchin Tha hril kan chhunzawm zêlin: Lal Isuan lei leh vâna thuneihna pêk a nih tawh thu leh, *“Thu ka pêk zawng zawng che u pawm tùrin zirtír rawh u. Tin, ngai teh u, kei kumkhuain, khawvêl tàwp thleng pawhin, in hnênah ka awm zêl ang,”* a tih thu kan hria a (Mt 28:20). A rawngbàwl hna chhunzawm hi kan tih tùr a ni a, chumi atána koh kan ni bawh a, kan hnêna awm zêl a tiam bawh a ni.

Lal Isua zirtírte kha Pentikos niah tihdanglamna mak tak Thlarau Thianghlim changin, hlauva awm òthin

khân Isua rawngbàwl hna an chhonzawm a. Chu thlarau awmpui chung rawngbàwl na chuan thuneihna te, hlauva thlabar thin te tán huaisenna leh thlamuanna mak tak a keng a. Huaisenna mak leh thiltitheihna kan neih chuan kan rawngbàwl na pawh tihchakin a awm zêl a ni.

Isua hna pui ber mi tin huap zo Chanchin Tha - hetah, khutah, khitah, kan vêlah thawh mawlh mawlh tûr a awm a. Ram hla taka mite vei thulh chuang lovin, kan ram chhúngah pawh vei tûr tam tak a awm. Chu bâkah chuan, mi rethei dàwm chhuahna kawng te, ei tûr nei lo te thleng phâk kohhran nih te, kan sum leh pai pawh mi harsa zâwkte kêp zâwng zêla a chêt chuan kan rawngbàwl nain rah tam zâwk a chhuah zêl a rinawm a ni.

2. Pathian Thlarau thuama kan awmin: Tûnlai hun hi hun harsa tak, kohhran rawngbàwl na lam aia khawvêl thil leh kan khawsak phungin min pawh nasat

hunah kan lût em tih pawh inzawh theih tak a ni a. Sum leh pai leh dinhmun sáng ûmin nasa takin kan buai a. He dinhmun aţang hian min kotu min koh chhan kan la tihlawhtling em? Nge, a phatsan zâwngin kan hniam hret hret tih pawh inzâwt ta ila. Eng laiah te nge ţan lâk thar kan ngaih ang?

Chhandam tawhte hi famkim kan awm loh avàngin kawng fai taka kan kal zêl theihna tûr leh chumi lama nasa zâwka kè kan pên nán chuan Thlarau Thianghlim changtu kan nih leh thlarau hruai kan nih a pawimawh a. Chuvàng chuan thlarau lam nunah pawh ţan lâk kan ngai a, tute pawhin Pathian kan auh tam a ţûl a ni. Hlawh-chham leh sâwt lo nia kan hriat lai pawhin amaha innghat chung kal zêl a ţûl. Paula hian ‘hrâm hrâm’ tih te hi a hmang tam hle. Timothea a fuihna pawh, “*Pathian nung chu kan rin avàngin kan thawk rim a, kan bei hrâm hrâm a ni si a,*” (1 Tim 4:10) a tih kha. Beih hrâm hrâm hi a ţûl a, a

thlarau hle a ni tih hre chung a
kan kal zêl hian Pathianin min
pui zêl dâwn a ni.

3. Dam chhúnga rawng

kan bàwlin: Bible leh mihring
zingah thih thlenga Isua
hning zuitu sawi tùr an tam.
Chûng mite chuan rawngbàwl
hna an hlen a ni. Pathianin
Kohhran kal tlanga min koh
hian mawhphurhna a keng a.
A ropui êm êm a, mi sual te,
mi tling lo te min la ko duh hi
làwmna cháng kan hriat a
pawimawh a. Mi ða leh fel
chauh te thlang dâwn sela
chuan tam tak hi chuan kan
tawng sáng vak lo mai thei a ni.

Chu rawngbàwlna kan
kova tla, mawhphurhna keng
tel chu hlen a ngai a, hlen tùr
chuan thih thlenga rinawm
taka rawngbàwl hna hi kan
thawh a ngai a ni. Thupuan
2:10-ah chuan thih thlenga
rinawma awmte tán nunna
Lallukhum tiam sa a nih thu

kan hmu a. Ti ða duh lote
erawh an khàwnvâr dahna
hmun sawnsak an nih tùr thu
Thupuan 2:5-ah kan hmu
bawk.

Khawngaihna avànga
rawngbàwl kan ni a, he
khawngaih rawngbàwl hna hi
kan dam chhúng hian rinawm
leh fel taka hlen tum ila. Kan
theihna zawn ðeuhvah min
kohna leh rawngbàwl tùra min
ruatnaah hlen ngei tumin ðan
i la zêl ang u.

Kan Pathian hian kan
boral duh lovin min tlan mah
sela, keinin kan duh lova kan
hransan lui tlat a nih chuan
kan boral tho dâwn a ni.
Rawngbàwl tùra koh, rawng-
bàwl tùra inbuatsaih mék leh
rawngbàwl zêl tùra inhlân
tawh te hian kan Kohhran a
boral lohva, nang leh kei kan
boral loh nán kan Pathian thu
chuan, ‘*I rawngbàwlna kha
hlen rawh,*’ min ti a ni.

***“Krista rilru chu Chanchin ða hril hi a ni a.
Amah kan hnaih poh leh missionary rilru
kan pu zual deuh deuh ðhìn.”***

Henry Martyn-a (1781-1812)

BUH HMUN AṬANGIN

SANTIPUR KHUAA PATHIAN CHHAN CHHUAHNA ROPUI

Rev. Lalnghakmawia Khiangte
i/c Laimekuri Pastor Bial
Mobile No: 9862776682



Tuarna hmunah hian ringtute chhel taka kan dina, Pathian Hmél kan zawn tak zet chuan Pathian awmpuina, thlamuanna leh tihchakna kan hmu thìn. Amaha rinna nght tlattu Pathianin a phatsan ngai lo a ni tih Arunachal and Assam Mission Field West huam chhúnga Santipur leh Palung khua te hian an lantír chiang hle.

Thu bul lam: Laimekuri Pastor Bial huam chhúnga Laimekuri Kohhran aṭangin Santipur Preaching Station chu kum 2018-ah hawn a ni a, a enkawltu missionary chu NI. Lalramdini, Rawpuichhip khua a ni. Hawn a nih hma aṭang tawhin Kristianten nèkchêpna an tâwk nasa hle a - an khuua dàwrah thil an lei thei lo va, thenawm khawvéng inah an lût thei lo va, *ration card*-a an chanvo khawtlángin a paihsak a, lo/huan ram an insemi chan an nei lo va, an khuua mite tán an ina luh chu thiáng lo a ni; mau/thing emawin an hung a, an tán mi bawlhhlawh an nih avàngin. A rapthlâk hle! Beiseina sáng tak nèn

Biak In leh Missionary quarters sakna átán ram kan lei a; nimahsela, khawtláng dodàl-na avàngin sak theih a ni lo. Kohhran Chairman, Daleshwar Bori-a te inah vawiin thleng hian an inkhâwm a ni.

April 28, 2023 a thlen hma chuan: Dodàl-na te avàngin vântláng hriata Pathian thu sawi te, Gospel film chhuah te chu vana rah ang a ni. Pathian thu hrila feh chhuah (*Outreach*) pawh Preaching Station hawn a nih aṭangin kan la nei lo; thawktu ngei pawh luh theih lohna In a nei tam hle bawh. Boruak a dai deuh nia a lan avàngin Laimekuri Bial Evangelist te

chuan April 26 & 27, 2023-a Kristian la ni lo te ina lèna *Outreach* neih kan ruahman a.

Chutih mék lai chuan damlo, Pu Gatil Mipun (kum 85), kár hnih chhúng vèl bawksawp tawh hi a awm a. Kristianna chu langchang takin a hnâwl a, a tán thil awmze nei lo a ni thìn. A nupui leh a fate chhúngkua chu a chung a kan sawi tâk tihduhdahnate tuar chung zêlin kum 2019 ațangin Kristian an ni tawh a. Palung khua an ni a (Santipur nèn khaw inthenawm), Santipur Kohhranah an lawi a ni.

Thi mai thei dinhmun a din laiin a sualna avànga inchhìrna thûk tak a lo nei a. Pathian Nung châkin, a fate hnênah a lo sawi thìn. Vawi thum lai mai a faten kan thawktu hnêna an sawi hnu chuan, *“In nawrna avànga tui thlawr a nih chuan a thlarau-vin damna a chang dáwn chuang lo a nia,”* tiin a hrilh a. *“Ni lo ve. Ama ká ngei ațanga chhuak alâwm,”* tiin an chháng thung. Theih tâwpa Pathian thu hrilha, Pathian tán a nun a hlàn tak tak a nih chuan

Baptis ngei tùr a ni tiin ruahhmanna kan siam a. Dárkár khat leh a chanve vèl lai a natna khuma Pathian Thu hrilh a nih hnuah chuan *Baptisma* chu a chang ta a. Làwm avàngin patling a țap ruai ruai a; hmuh a nuam-in, a hlimawm tak zet a ni.

Outreach chu kan nei zêl a. A ni hnihna kan neih mék laiin, khawtlánga chhúngkaw pakhat chuan a rûkin *Jadu Puja (mi dangte chhiatna/thihna atána inthâwina)* an lo hlàn a; khawtlánga a darh ta hlauh mai. Sawi darhtuah damlo mo (Pi Mipuni) chu khawtláng miten an puh tlat mai a (*an Puja ti lai a lo hmuh avàngin*). Ni 27-ah chuan koh a nih ang ngeiin khawtláng hmaa insawi fiah tùrin a kal ta a. A sawi chhuah loh thu a sawi pawhin an pawm thei lo, an thinrim hle. *‘Kristian ațangin Hindu sakhuaah in lo lêt leh ang a; tichuan, kan ngaidam ang che u’*tih chu an thu tàwp a ni ta.

July, 2019 ațangin Kristian an ni tawh a. An fapa Luke-a (*baptisma chan laiin*

kum 4), damlohna avànga mi â ang maia khawsa chu Pathianin a tidam a, tân thlengin Isua an zui. A hmaa tihduhdahna kan sawi ang zawng zawng khi an chanvo a ni a. Mite hmaah tan chhun-zawm zêl duh lo se, tân hi hun tha a ni. Nimahsela, natna mak tak aţanga a fapa tê zâwk chhan chhuaktu, tânah a pa, kár hnih vêl bawksawp tawh tidam mék zêltu leh an harsat ber lai pawha thlahthlam ngai lotu chu a phatsan theih loh thu a hrilh a; kut an thlâk chhun-zawm. A pasal a lo lan tâk si avàngin engtin tin emaw chu hmun chu an chhuahsan thei ta hrâm. An thinrim êm avàngin FIR theh lûta *case file* tùrin a inbuatsaih chhunzawm ta a.

April ni 28 zet chu: FIR chu Police station hnai ber, Jonai-ah an han theh lût ta a. Tlai lam dár li vêlah thlamuan tùr leh ţawngţai tùrin an in chu kan missionary nèn kan pan a. An Kohhran ziaktu, Pu Probhat Bori-a chu lo kal ve ngei tùrin kan sáwm a, rei lo têa a rawn kal tùr thuin min

chháng a. An in kan thleng ta, hung páwnah chuan nuho an lo ţhu khâwm ţaih a, hung chhúngah pahnih an lo awm bawk a. Scooty aţanga kan chhuk chu scooty-a ka lawn hmaa ka phone-a thil lo thleng chu in chhúng luh fel hma ngeia chin fel tumin ka phawrh a. Tichuan hmélma kan ni lo tih entír nán phone kengpah chuan ‘Aunty, Aunty’ tiin nui ságin kan ko vêl a. Ka phone chu an hmai hmaah a lo intin zâwn palh pawh a ni mai thei e - ka thil ken lai ka ngaihsak tawh loh avàngin.

Pi Mipuni chu Self-Help Group President a nih avàngin a lehkhabu kawl hrang hrangte chhuhsak an tum a lo ni a. Gate chhúnga hmeichhe pahnih te nèn chuan an lo indíl mék a, an aw kí pawh a sáng hle. “*Ka pe hauh lo vang che u. Thla te hi kan lâksak teh ang che u,*” tiin a lo hnial a (*case kal zêl atán a ţangkai a ni mahna*). An in chhúng chu kan rap ta (*an khawtláng mi kan nih loh avàngin an in chhúng kan rap thei*) kan hmél an hmu chu an thla a muangin

an hlim ngei mai. Rei lo tâh Pu Probhata pawh a lo thleng ta a. An *case file*-na *paper copy* te min entír a. A pa pawh amahin a teihawia, a chêt vêl theih tawh thû chu hlim takin an sawi chhunzawm a. Kristianah an awm ngei a ni tih hriatpuitu an mamawh tùr thu te an sawi a. Hun a kal duak duak mai, minute sawm li vêl chu kan thu ta reng mai. Kan missionary chuan, “*Pastor, haw i duh tawh em?*” tiin min zâwt a. “*A, thlamuan an ngaih êm êm lai a nih avàngin rei lo tê i la thu ang hmiang,*” tih chu ka chhàнна a ni.

Rei lo tâh chuan kan Kohhran mi, Pu Jotin Bori-a chu arawn lût hlawl mai a (Santipur mi an nih avàngin an lût thei). Nichina phone-a thil hmanhmawhthlâk ka khawih paha ‘*Aunty*’ tia ka koh kha an thla laah min puh thû leh paho bula an zualko hnua paho an thinrim thu leh keini pahnih pawh tihlum tumamin chànmékthu arawn keng. A mak kan ti hle! Tin, *phone call* te pawh kan dawng a; kan nunna atána a hlauh-

awm thua vauna te a ni nawk mai. Inkalpawhna kawng khat chiah a awm avànga kan chhuah theih an rin loh avàngin *warning* min pe a ni deuh ber mai.

Pi Mipuni chuan *phone* hmanga thla kan lâk loh thu leh amah zâwk chu thla latu a nih thu an sawi pawhin an âwih thei tawh si lo. Kan Kohhran paho pawh *phone*-in an lo inráwn khâwm, ‘*An Scooty hi kan la chhuak ang a; tichuan, anmahni hi ramhnuaiah kan relhpui mai dáwn em maw ni?*’ te an ti. Mi vuak hlum mai pawh an hreh lohzia hre Chiangtute an ni si a. Boruak a rit duh kher mai; an in chhúng chu lo lût thei pheisela chu kan zâm lehzuang.

Kan tih theih awm chhun chu Police hnêna tlûk luh chauh a ni ta a. Tichuan, Pi Mipuni chuan Jonai PS-a O.C chu a be ta a. Chhùn lama an lo han kal tawh avàngin a thu sawi pawh belhchian dâwlah ngaiin rei lo têa an lo kal tùr thuin an lo chháng a. Hetih lai

hian kan Mission Compound lama kan Headmaster, Pu P.C. Lalringlana chu chanchin ka hrilh a - an lo kal erawh chuan an motor leh anmahni tán ngei pawh a him loh thu ka hrilh ngêl a.

Police an lo thleng ta: O.C leh a naute 15 rual vêl chu an lo thleng ta, an khawtláng hruaitu panga vêl nèn. Police hotupa chuan, “*‘Mihring an pung khâwm’ in ti a. Hei tu mah an awm loh hi,*” a ti a. Keini lahin ngawih kan chuh duh rêng rêng lo. “*An awm alâwm. Phone-a vauna pawh kan dawng,*” kan ti. “*Number min entír rawh u,*” an tiha, kan entír pawhin an sawi zui duh tlat lo. Khawtláng hovin Police-ho iptêah pawisa an lo thun zeuh hman a ni mahna. ‘Mi tihnat/tihhlum tum’ case hmangin kan puh lét thei si a. An duh ang tak chuan ka phone chu an han chinglet a, an hmu lo. ‘*A delete tawh a niang’* an tih avàngin *Deleted files* leh a chhúngрил lam pawh an bih, an hmu si lo. A hnuah phei chuan an thla laa tia min puhna chu ‘*Video a ni,*’ te an ti ta vêl mai mai.

Kan inhnial nak nak a, sawi vek sèn a ni lo. Kan missionary chu kan inhnial buai lai chuan an khawtláng hruaitu chuan a bán chuan thil tam tak a ti thei a ni tih entír nán a lo inhum ruh khum vêl a. Chu chu kan missionary chuan duh lovin huaisen takin, “*Engati nge i bán kha min hmuh a? Kha kha ka duh lo,*” huaisen takin a ti piap piap mai. Chutih rual erawh chuan, “*Kristianna hi helaiah rawn ti tawh suh u. In pakhat ringtuah in siam a, pakhat tê tēin in siam ang a; nakínah a zavai hian in siam mai ang. In véngah Kristianna chu lo ti mai rawh u,*” tiin min ngèn a. Ka hnial chhunzawm chák viau va; nimahsela, rawngbàwlpui-te pawh mangang taka an awm avàngin chu hmun chu rang taka chhuahsan a òa zâwkin ka hria a. Tichuan, Police-te chuan kan véng thleng (Km khat leh a chanve vêl) min hruai thleng ta a ni. Mission Compound-ah lûtin kan Headmaster te inah thawktu te nèn òawngtai rualna te kan hmanga, kan òin zui ta ni.

Eng nge a chhan ni ang?: Khati tak maia an thinrimna chhan kha ngaih-tuahnaah a awm chhunzawm. Kan ringtuin huaissen takin India khua leh tui an nihna avànga an chanvo te chu neih lêt tuma an beih mék lai a ni a. Khatia an hmélhriat loh lo zu lang mai ta kha a eng a mah hmain thinrimin min lo dawngsawng a ni ang à. Nge ni a, Pi Mipunin an thla a lâksak kha an la na viau zâwk. Zawhna tam tak rilruin a zâwt zut zut mai. Nge, Lal Isuan *‘dâwta sual tinrénga an hèn hunah che u in eng a tháwl ang’* a tih kha kan chanvo a ni ve reng zâwk. Eng pawh chu lo ni teh rêng sela, hêng mite hian Isua Krista an va mamawh tehlul êm!

Pathian chuan a tûl ang zêlin min tawngtîr: He khuaah hian Pathian hnathawh mak tak mai avànga him kan ni. Kan Kohhran hruaitu lo tel ve Pu Probhata kan awmna lam arawn pan khán paho eng emaw zât pung khâwm tawh kha arawn pal tlang a; mahse, kan missio-

nary bula a sawi pawhin ngaih that loh nacháng kan hre lo. A tûkah Pu Probhata chu an an khawtláng hruaitute nèn an lo inbia ni ngei tùr a ni, *‘Vuak hlum tumin alâwm kan chàh,’* an lo ti!

Pathian hnathawh a lang a, Police chakna hmanga hruai chhuah kan ni. Chu aia mak zâwk chu, *“Pastor, hâw i duh tawh em?”* tia missionary-in min zawh khán, *“Aw duh e. I hâw ang hmiang,”* lo ti ta ngat ila zawng, kan chan chu a râpthlâk ngawt ang. Nimahsela, *“Rei lo tê i la thu ang hmiang,”* tia ngaihtuah lâwk lêm lova ka chháng kha Pathian min chhan chhuahna ropui tak a ni. Lal Isua thu sawi – *“Nimahsela an mantîr hunah che u chuan ‘Engtin nge, eng thu nge ka sawi ang?’ tiin, lungkham suh ang che u; in sawi tùr chu a hun takah chuan a hriattîr dáwn si che u a. A sawitu chu nangni in ni dáwn si lo va, in Pa Thlarauvin nangmahniah a sawi zâwk dáwn a ni,”* (Mt 10:20) tih thu kha a taka changtu kan ni.



EKADASHI HALDER-I CHANCHIN

*K. Lalhruaitluangi, Evangelist
Jamlala, Calcutta Field
Mobile No: 6297515 619*



Ekadashi Halder-i hi Hindu chhúngkua aṭanga piang leh sei lian a ni a, Unau pali zínɡa upa ber a ni. Jaganath Halder-a nèn an innei a, fapa pahnih leh fanu pakhat an nei. Calcutta Mission Field, Baruipur Pastor Bial chhúnga Jalaberia khuaah an cheng mék a ni.

An fapa upa ber an neih hnu, kum 2005-ah a pasal hian Lal Isua Chanchin Ṭha chu a lo hre ve a. A nupui hnênah hian Lal Isua chanchin chu hrilh vêleh chhâwngin Bible te a chhiarsak ṭhìn a. Amaherawhchu, Ekadashi hian ngaithla duh lovin, Bible te chu a dahsak ṭhìn a. A pasal rinna chu a dodâl nasa ṭhìn hle a ni.

An fa naupang ber an neih hnu rei lotêah Ekadashi chu chhùl *cancera* ni tih hmuh chhuah a ni a. A dam leh mai beiseina nèn damdawi inah thla hnih chhúng enkawl a ni a. Doctor-te pawhin zai dam leh mai an inbeisei a. Amaherawhchu, a natna a lo nasat tawh avàngin zai ngam

lovin in lamah an hawtír ta a ni. Doctor-te chuan fa nei thei tawh lo tùr leh a rei berah thla thum chauh dam tùra an beisei tawh thu an hrilh a. Chuta ṭang chuan nun beidawng êm êmin a hun a hmang chho ta a ni. A natna avànga rim chhia leh tenawm a nih avàngin a chhúngte pawhin pindan hrangah an dah a. A fa naupang tê tète ngaihtuahna nèn, a nun chu a hrehawmin a beidawng ngawih ngawih a ni.

Nun beidawng taka a awm lai chuan a pasalin a lo hrilh ṭhìn Lal Isua chanchin chu a thinlungah a lo awm ta a. Bible chu chhiar a duh ta a ni. Johana Bung 11 - Lazara thih thu leh Lal Isuan a kaih

tawh thu chu a chhiar fuh ta a. Pathian thu chuan a nun a khawih danglamin, ãawngãai dân từ pawh hre lovin, *“Isu, Lazara, ni li lai thi tawh pawh i tidam thei a. Kei erawh chu ka la thi lo. Tu nge i nih ka hre lo; mahse, pathian i nih tak zet chuan min tidam thei tih ka hria e. Isu, min pui rawh,”* tiin Lal Isua chu ãap chungin a au ta a.

A theih dân ang ang Bible chhiar leh ãawngãaiin a hun a hman chho ta a. Khawvêl thiamnain dam rei tawh lo tùra a ngaih, a chhúngte pawhin an thinhrik leh an enkawl mumal duh tawh loh, thi mai tawh tùra inngai, nun beidawngin Lal Isua a au va. Amah beiseitute leh pantute hnar ngai lotu, kan Pathian chuan Ekadashi natna chu zàwi zawiin a lo tihdamsak ta a ni.

Chutia enkawl mumal pawh ni si lova a ãa chak êm êm mai chu a chhúngte pawhin mak an ti a. Doctor hnênah hruai lehin, Doctor chuan a *cancer* an hmuh

tawh loh thuin a lo chháng ta a ni. Chuta ãang chuan Lal Isua ringtu ãa tak ni chho zêlin, eng hunah pawh, khawi hmunah pawh amah tidamtu Lal isua chanchin hi sawi nuam a ti êm êm a, ngaithla duh an awm chuan a hrilh mawlh mawlh reng mai ãhìn a ni.


Amaherawhchu, amah tidamtu khân a hming avànga tawrh pawh a lo phalsak ve tho mai a. Chutia Lal Isua chanchin te sawia, Bible chhiara, a ãawngãai tâk fovah chuan a pasal chhúngte leh ãhenawm khawvêngte mit a lo kham ta a. An sakhaw serh leh sâng tihnaah te, an pathian biakna hmunah te a tel ve duh tâk lovah chuan Police Station-ah koh a ni a. Thu an zâwt fiah a. Ekadashi chuan Lal Isuan a tihdam dânte hrilhin Lal Isua chu a tán Pathian a nihzia leh Kristian a nih thu chu a hrilh ta a. A testimony chuan police-te pawh chu a hneh hle a ni ngei ang, *“Ka pi, Lal Isua chu rin tlâk a nih chu,”* an lo tihsak ta zâwk a.

Kum 2007 khán kan kohhranah Baptisma changin tûnah hian Jamlala kohhran tána mi ẵngkai tak a ni mék a. Thawktu atána lain, feh chhuah (Group Prachar) cháng te, member in tlawh cháng te, damlo tlawh nikhuaah te, kohhran hun pawimawih - inkhâwmpuiah te pawh ẵhahnem a ngai êm êm ẵhìn a. Chhúngkhat nu niin buai hle ẵhìn mah sela, rawngbàwlnaah chuan buai tih a nei ve ngai lo.

A pasal leh a fate leh a chhúngte tán a ẵawngẵaisak fo va. Harsatna tâwk ẵhìn mah

sela, ngawi renga tuarin “*Lal Isuan min hriatpui,*” a ti mai ẵhìn. A testimony hi sawi nuam a ti hle a, “*Isuan min tihdam dân hi sawi reng ka duh,*” a ti ẵhìn a ni.

Tûnah hian an chhúng-kuaa Kristian niin, Jamlala kohhran, Baruihur Pastor Bialah a lawi mék a. Lal Isua chanchin sawi nuam ti êm êm, Bible chhiar peih leh ẵawngẵai mi, sawi mai ni lova nun dân lan chhuahẵĩr ẵhìn ringtu ẵha, Krista leh a kohhran hmangaihtu member kan nei hi vânnai kan inti hle a ni.



Kohhran pakhatah chuan chhúngkaw hrang hrang thawhlâwm tling khâwm tùr beisei an neih chu Dollar 3,00,000 a ni a. Member pakhat chuan, ‘Dollar

nuaithum nei ta ila chuan hmun thuma ẵhena hmun khat ka thawh ngâh ang,” a ti a. Pastor chuan, “*Sàwma pakhat pawh i pêk theih loh laiin hmun thuma ẵhena hmun khat chu engtin nge i pêk tehlul ang le?*” tiin a lo chháng vat a. Kan sum neih avànga pe tùr kan ni lo va; kan neih mék aẵanga pe mai tùr kan ni zâwk ngai e.

SUBU KHUA LEH KOHHRAN CHANCHIN*Ngurthanmawii, Evangelist**Arunachal West**Mobile No: 7085227144*

Subu Kohhran leh khawtláng chanchin hi Ramthar August 2021 khán ziaka tihchhuah a lo ni tawh a. Kum hnih lai mai an ral hnu chuan danglamna nasa tak sawi tùr a awm a. Lalpan rawngbàwnate mal a sàwma, hmasâwnna tam tak a awm laiin, harsatna neuh neuh kárah beidawn rum rum pawh a awl òhìn khawp mai.

Subu khua hi sawi tawh ang khán Arunachal & Assam Mission Field West huam chhúng, Thrizino biala awm a ni a. Thingthlang khua, khawsak hniam berte zínga mi a ni àwm e. A khaw chanchin (Subu Pialral tihah) khán ka lo ziah tawh avàngin hemi chin hi tâwkah ngai ila.

A hmasain, Subu rawngbàwna kal zêl ziaak tùra min lo sáwmtu, kan Circulation Manager chungah làwm thu ka sawi a, ka huphurh hle. Amaherawhchu, Pathian ropui nán kan tih chu tlém hle mah se ka rawn ziaak ve râwih a ni.

Subu Kohhranah hian dàn zawhkim mi 50 kan

chuang ve tawh a; mahse, kohhran puitling erawh kan la ni lo. Kei hi tih tawh lam ti vak mi ka ni a. Subu-a rawngbàwna ka han òan kha ka phûr bawh a, ringthar hi kum tin hian sawm chuang hi chu kan nei ve òhìn a.

A chhan nia ka hriat chu pakhatnaah chuan - an rilru a ném a, hneh an awl; mahse, an nghet vak lo thung. Pahnihnaah chuan, ka beih vak òhìn vângte pawh a nih ka ring.

Kumte a han liam a, ringtu fel tak takte pawh Lalpan min pe a. Nuho pawh kan òha chho òan khawp mai a, naupang ho lah kan ri hup hup a ni ber mai a. Kei pawh

ka hlim a, ka lâwm a. Mahse thlamuang taka ka awm lai chuan neuh neuh chuan min lo tlâkbuak chho ta a, Pathian hnathawh a nasat hian sual pawh hian nasa zâwk hian min bei ve niin ka hria.

Kan hmasâwnna dâltu nia ka hriat:

1. Subu mite hi AKA

hnam an ni a, hnam taima lo tak an niin ka hria. Thil an tih rêng rêng hian an ti tluan peih lo. Ni tina hnathawka chhuak sawi tùr an tlém hle. Zíng aṭanga tlai thim thlenga thawk lah an vâng; pahnih khat vêl mi taima sawi tùr an awm. Hetiang hi a nih vângin Pathian hnung zui kawngah pawh an ti tak tak peih lo ni berin ka puh.

2. Ziak leh chhiar an thiam loh vângin thil sawi an man zung zung lo va, Bible an chhiar thiam lo va, Isua ring ve bur mai an ni. Rin ve tawp khân a daih loh chin a lo awm ṭhìn niin ka hria.

3. An tleirâwl leh ráwl-tharte an hman tlâk dáwn

chauh va, khaw dangah lehkha zirin an chhuah a ngai zêl hi a ni. Hei hian bei a tidawng ve ṭhìn khawp mai.

4. Kan khua hi sualnaah

hian sáng tak kan niin ka hria. ‘Subu Pialral’ tiin ka lo ziak tawh a - inkal pawhna awlsam thu te, power supply ṭhat thu te, tui duh tâwka in tùr a awm thu te a la pangngai reng a, kawng pawh a ṭha zual zêl a ni. Mahse Zu leh hlimhlawpna lam hi a hluar êm êm a ni. Khawtláng huap hi a ni ṭhìn bawk si a, hetah hian kan member-te hi an tlûk phah fo ṭhìn a ni.

Kan member tam zâwk hi nuho an ni a, an pasalte la rawn inkhâwm ve lo hi a tam zâwk an ni. An nupuite an thlâwp êm êm a, Pathian pawh an ring a; amaherawh-chu, anmahni hian fel taka awm leh zu han nghei vêl hi an la duh lo a ni. Nuho pawh an pasalte thlâwpna hmu mah sela khawtláng huapa hun hman nikhuaah chhúng-kuain an kal ve leh ṭhìn a ngai a. Chutah chuan zu an lo va

lem leh òhìn a; mitthi an awm lahin pawisa an lo va khèl leh òhìn bawk si a (*mitthi an neih hian zankhuain zu in leh pawisa khèlin zan 8 - 10 an tlaivár òhìn a ni*). Hei hian an rinna chak zêl tùr a pawt hniam hle òhìn niin a hriat. Khawtláng program a awm rêng rêng hian zu leh sa nèn an ti òhìn a, an bei vut vut zêl a ni. Entír nán - In thar lawm, birthday, inneih, mitthi neih, Independence Day, etc. bâk-ah kum thar (New Year) phei chu bei nasa tak an ni mai.

5. Keimah hi ka ni: Duh ang hian ka enkawl thiam tâwk lo òhìn ni te pawh hian ka hria. Ka induh khawp lo òhìn hle a, a ngaihna hriat loh cháng ka ngah a. Ni tin zan tin hian òhìngtâin ka thlen tawp mai a, hriatna leh finna te hi ka dîl nasa òhìn hle. Finna rêng ka neih lohzia ka inhriatna hian min tibeidawng lek lek òhìn.

Harsatna mak tak mai ka tâwk: September 2022 vèl àtàng khán inkhâwm hi kan tlém telh telh mai a, a bîk

takin inkhâwm lo zíngah kan hmeichhe Secretary (Kohhran Asst. Secretary) ni bawk a tel ve tlat mai a! Ka chhuan ve êm êm leh, ka inngah vena pakhat a ni a. A hrisèl lohna - nau pai chu a chhuanlam reng a; mahse, a pasal nèn khawtláng program leh thil hrang hrangah an chhuak dùn thei reng bawk si. Rilru a na duh hle mai a; tin, naupangho lah inkhâwm òhà lo an awm ta nual bawk.

Krismas a lo ni dâwn a, kan naupang chanve lawih mai chu Catholic lamah an kal ta mai a. A chhan chu khaw òhìngawma Catholic School Boarding-a awm hi 10 vèl kan nei a. An zirtirtu (Sister)-ten Catholic-ah chauh inkhâwm tùr leh Krismas pawh hmang tùrin an lo ti hi a lo ni a (sikul neih ve vat vat ka chàk phah òhìn). Chu mite chuan an òhiante òheuh an han sáwm a, chu chuan mi dang lo kàng kai lehìn, intihhmuh rual naupang chuan min kiansan ta duak mai. Rilru a na vawng vawng a, ka chauh phah hle ta a ni. Mihring theihna chuan

theih tâwp ka chhuah ve -
chaw ngheia ṭawngṭai pawh
ka uar phah sauh va; mahse,
a sâwt mawlh si lo.

Krismas-ah erawh
memberte kan kim khawp a,
Catholic Kohhran lamah min
pènsante avàng erawh chuan
kum dang kan pha lo deuh a.
Keimah hnung tawlh duh lo mi
mihring ka lo nihzia a lang
chiang a. A hnung tawlh
záwnga ka hringnuna ka
tawnhriat hmasa ber a nih
avàngin ka la na vawng
vawng hle a ni (Hetah hian
hringnun min lo zirtír reng a
ni. Thil tam tak ka hriat ngai
loh - mite buaina, chak lohna,
harsatna te ka hriatthiam
pah a ni. Tûn thleng hian
Lalpa hian min va la zirtír
nasa êm!).

March thla a lo her
chhuak a, kan Kohhran
Hmeichhia Fin. Secretary, ka
kut ke, engkima min puitu ber,
mi inggaitláwm leh tláwm-
ngai, ka mi mal hna pawh min
pui peih reng, ka ṭhian ṭha tak
chuan min han hnung tawlh-
san ve leh a. Ka na vawng

vawng a, hmeichhe lam kan
tlém telh telh bawk a.
Hruaitute ber chak loh chuan
ṭhat reng a har pawh a ni ang
- ka mangang tak zet zet a ni.

March thla chanve
aṭanga April thla thleng kha
khuah ka awm a. Chuan ni
tin dárkár 15 hi chaw ngheiin
ka ṭawngṭai ṭhìn a ni. Ka
inring hman lo va, keimah hi
ka buai a ni deuh ber mai. Ka
tuar thiam lo va, a cháng
chuan *"Lalpa eng nge a
awmzia? He Kohhran enkawl
tùr hian ka tlâk loh em ni? Ka
fel loh man ka phur em ni?
Theihna leh finna ka
tlachham em ni? Min pe
rawh,"* ti tein, ka ṭawngṭai a.
A cháng leh *"Joba ang hian
min fiah em ni? LALPA, i âw
min hriattír rawh,"* tiin ka
ṭawngṭai tawp ṭhìn.

**Beiseina nung - Lalpa
hnathawh:** Ka bei kha a
dawng nasa hman a; mahse,
Lalpan thlamuanna leh
beiseina, hriatthiamnain min
lo tuam thar ta! Ka nui leh
sáng thei tawh a. Chu
beiseina nung chuan min

tiphûr thar leh a, ka thâ pawh lo tho leh ta. Ka ṭawngṭaina rah pawh a lo lang ṭan chho a ni ngei ang, kan hmeichhe Secretary pawh a rawn inkhâwm ve leh ta.

Chutah ka kut ke-i pawh khawvêl sum leh pai lamah min han pènsan mah se Lalpan a phal lo a ni ang - a tluang lo chho viau a; a PA tak hnên lamah a rawn kîr ve leh a. Hemi ka ziah lai hian vawi hnih a rawn inkhâwm leh tawh a ni. Ani hi zan khat inkhâwm pawh min ṭhulhsan ngai lo awm chhun a ni ve ang - puitlingah chuan. Naupang lam lah kan pangngai chho leh viau mai a; ngai la awh pha lo mah ila rilru a muang

a, Lalpan nasa zâwkin Subu khua hi a khawih ngei ang tih ka beisei tlat a ni.

In mi ṭawngaipuina kan mamawh a, min hre reng tûrin ka sáwm che u. Pathian Thlarau Thianghlim chuan mi sual ber pawh a siam ṭha ṭhìn a, mi mâwl ber pawh a tifying thei. Kan khua pawh hi hniam hlein rinna lamah pawh chak lovin sualna lamah pawh sáng hle mah se, harhna thlenna hmunah min hmang duh ang tih hi ka ring tlat a ni. *‘Sodom leh Gomorra’* ang hian ka intehkhin ṭhìn a; *“Lalpa, ‘Fiji’-ah i chantír thei,”* tih hi ka ṭawngṭaina a ni. **Subu khaw lam hawiin lo ṭawngṭai ve la, min pui rawh.**



chûng zawng zawng lak ata chu a chhan chhuak tawh che,” min ti. Pathian Thu âwih lotu chuan amah Pathian ngei chu a ring lo a ni. Chanchin Ṭha hi Pathian Thu a ni a; chuvàngin, Chanchin Ṭha ring lotu chuan Pathian a ring lo a ni.

Dàn chuan, *“Khawiah nge i felna, i ṭhatna leh thiam channa chu?”* tiin min zâwt a; Chanchin Ṭha chuan **Krista chu ka felna, ka ṭhatna leh ka thiam channa a nih** thu min hrilh. Dàn chuan, *“Keimahah phuarin i ni a, bá tam tak i nei,”* min ti a; Chanchin Ṭha chuan, **“Kristan**



TRIPURA MISSION FIELD-A FIELD SECRETARY LO NI TAWHTE LEH AN HUN LAI CHANCHIN TÂWI

P.C. Ronghinglova
Ramhlun Sports Complex, Aizawl
Mobile No: 9436167313



Tripura Mission Field rawngbàwlina chanchin hi a ngaihnaawmin, rawngbàwlina hlawhtling tak - Tripura Synod hial a lo ding thei ta hi kan Field Secretary-te thawh rimna rah a ni kan ti thei àwm e. Kum 37 (1986 - 2023) chhúnga Field Secretary-te chanchin tâwi lo tár lang ila:

1. Rev. Thangdèla (L) (1986 - 1992): Rev. Thangdèla hi Tripura Mission Field-a Field Secretary hmasa ber niin, hna bul tan tùr a nih avàngin hna thawh tùr a tam hle. Field Secretary nih leh Noagang pastor bial vawngtu nih a fâwmkem a; quarters leh school sak tùr a tam a, sum lam indaih lohna avàngin thawktute pawhin hna an thawk nasa hle a ni. Noagang Mission Compound-ah hian ramngaw te siam a ni a, a nuam tan hle mai. A hun lai hian Pastor Bial pathum - Noagang Pastor Bial, Tuidu Pastor Bial leh Ambassa Pastor Bial te a awm a; tin, sikul pahni - Calvary High School, Tuidu leh Bethlehem

English School, Noagang te a awm. Ni 5 May, 1990-ah Tripura Presbytery hawn a ni baw. Ni 7 March, 2011 khán chatuana chàwl tùrin min lo kalsan ta a ni.

2. Rev. C.M. Zalènthanga (1993 - 1995): Rev. C.M. Zalènthanga hian Field Secretary hna hi term khat chauh a thawk a. A hun chhúng hian Karbook Pastor Bial hawn a ni a, Sabual khua leh Tuingoi khua leh hmun hrang hrang ațangin TBCU Kohhran mite kan kohhranah an lo lût a ni. Elpis English School, Pecharthal hi ni 31 May, 1993-ah hawn a ni a, Charisma English School - Karbook pawh ni 6.6.1995-ah

hawn a ni. A hun chhúng hian Mizoram aṭangin Reang/Bru tam tak an rawn ráltlân a, rawngbàwlâna lam pawhin harsatna tlém azáwng chu a tawh phah a ni.

3. Rev. K. Lalpiangthara (1996 - 2001): A hun lai hian Burburia Pastor Bial ni 14.1.2001-ah hawn a ni a. Thawktute inpumkhatna lam a ngai pawimawh hle a, Pastor Bial tina Missionary-te ko khâwmin inpumkhatna lam te a sawipui ṭhìn a, rawngbàwlâna pawhin hma a sâwn phah hle a ni. Noagang Mission Compound chhúngah ṭhelrêṭ (*rubber*) kung tam tak phun a ni a, Mission sum hnár ṭha tak a ni.

4. Rev. C. Chawngliana (2002 - 2007): Field Secretary a nih chhúng hian Pastor Bial pathum - Ganganagar Pastor Bial (23.1.2003), Darchawi Pastor Bial (16.1.2005) leh Khumulwng Pastor Bial (16.1.2005) te hawn a ni a. Maranatha English School, Ambassa chu ni 11.1.2003-ah hawn a ni bawk. A hun lai hian

Agartala khawpuiah Field Headquarters tùr sak zawh hman a ni (Mizo pa chhiara chhâwng li-a sak a ni).

5. Rev. C. Zorammawia (2008 - 2013): A hun chhúng hian Tripura Mission Field rawngbàwlâna hma a sâwn nasa hle, kan hmasâwn dân hetiang hian lo tár lang ila:

1) Tripura Synod dìn tùra chak taka hma lâk a ni.

2) Presbytery pathum - Tripura South Presbytery, Boramura Presbytery leh Logtorai Presbytery te hawn a ni.

3) Hêng Pastor Bial pariat - Ruprai Pastor Bial, Kolachhora Pastor Bial, Udai-pur Pastor Bial, Chakmaghat Pastor Bial, Agartala Pastor Bial, Seisimdung Pastor Bial, Manu Pastor Bial leh Tuingoi Pastor Bial te hi hawn a ni.

4) Hermon English School, Burbura chu ni 17.1.2011 khán Mission Board-in a la fel.

5) Tripura Mission Field chhúnga Kohhran te tán Revival Team te siam a ni.

6) Hmun hrang hrangah harh tharna te a thleng a, kohhran a pung nasa hle.

7) Noagang Field Headquarters chu Agartala khawpuiah kum 2008 khán sawn a ni.

6. Rev. Lalêngzîka (2014 - 2019): Tripura Mission Field chhúnga Synod lo ding tùr avàngin a thawk rim thìn hle. Kohhran dân leh inkaihhrui-na hrang hrang buatsaih a ngai a, Field enkawl nèn. Tripura Synod Office hmun tùr te buatsaihin kum 2017-ah chuan Tripura Synod chu a lo ding ta a ni. A hun lai hian Manirampur Pastor Bial leh Darchawi Pastor Bial te hawn a ni. Tripura Synod Office building te sak zawh a ni ta bawk.

7. Rev. Sairengpuia Sailo (L) (2020-2021): Rev. Sairengpuia Sailo hi natna avàngin a term a hman zo

thei ta lo va, a pawl hle. Khawvêl pum puiah Covid-19 hri pui a lo léng bawk nèn, chu chuan rawngbàwlinaah har-satna a thlen bawk a ni. Kum 2021-ah Bampur Pastor Bial thar chu hawn a ni a. Ni 21.4.2021 hian Tripura Synod Building thar chu hawn a ni bawk. Harsa chung chungin Field chhúnga rawngbàwlina a kalpui a, Kohhran sawh nghehna lam pawh a uar chho hle. A natna lamin ziaawm lam a pan vak loh avàngin kum 2022-ah Mizoramah sawn a ni ta a. Ni 8 May, 2022 (Pathianni) ni hian chatuan ramah chàwl hlen tawh tùrin min lo kalsan ta a ni.

8. Rev. H. Lalrinsanga (2022 - Till date): Tripura Synod nèn a lo insiam rem tawh angin, Mission Field lam chuan Bengali-te hnêna Chanchin Tha hril an uar tan ta a. Mission rawngbàwlina lamah nasa taka tan lâk thar niin, Bengali tanng pawh zir thar leh mék a ni. Kan Field Secretary hian Missionary-te thlavâng a hauhna kawngah leh Kohhran leh Mission

rawngbàwl na kawngah in pum-
khat na leh thawh hona lamah
nasa takin tan a la a ni.

Mizoram Presbyterian
Kohhran ten Tripura rama kan
rawngbàwl na than dân leh

hmasâwn dân te hi a ropui in
Pathian hna thawh ropui tak
Kohhranhoten kan hmu a.
Chuvàngin, Missionary ten
harsatna tam tak kárah Lalpa
ram a zauh zêl theih nán i
tawngt'ai zêl ang u.

Scotland rama Kohhran Upa pakhat hian Kohhran Com-
mittee an thut khâwm lai in an Pastor chu tawngkam ná leh
chaldelh tak mai hian a tawngkhum a. An pastor rilru chu a na
hle mai a; committee zawh chuan thinlung hliam thûk tak nei
chungin a haw ta a.

A tûk zingah chuan Kohhran Upa nupui chuan, "*Jan-a, i
va ngui ve. I nuamsam lo em ni?*" tiin, a pasal chu a zâwt a. Ani
chuan, "*Nizàn ka mang ang kha mang ve la chuan i ngui ve
khawp ang,*" a lo ti a. A nupui chuan, "*Eng nge i mumangah
chuan i hmuh a?*" tiin a lo zâwt vat a. Ani chuan, "*Ka mangah
chuan Kohhran Committee kan lo thu a. Kan committee-naah
chuan kan pastor hi tûl lo tawpah na taka tawngkhum in a thinlung
ka lo hliam a. Rilru na taka a haw chu a thi a, vànramah a han kal
a. Chawlhkár hnih hnûah chuan kei ngei pawh chu ka thi a,
vànram ka kal ve ta bawk a. Vànram kawngkhàr ka han thlen
chuan kan Pastor khân hlim takin min lo hmuak a, min chibai
pah chuan, 'Jan-a, hetah chuan inngirghona rêng rêng a awm
tawh lo asin. Ka hmu che hi ka va lâwm êm!' a lo ti a,*" tiin a
mumang chu a nupui a hrih a.

Tichuan, a insiam a, an Pastor chènna in panin ngaihdam
díl tûrin a kal ta ngêl a. A va thlen chuan a manga a hmuh ang
tak chuan an Pastor chu a lo thi reng mai a! Chawlhkár hnih
hnûah chuan amah pawh chu a thi ve leh ta bawk a.

*Tûnah hian hetah hian kan unaute leh kan
rawngbàwlpuite nèn inngaidam tawnin, inhmangaih tláng ila, a
va nuam dâwn êm! Tin, kan Lalpa hi a va lâwm dâwn êm!*

RAMTHAR RAWNGBÀWLNA ṬHUANG THUM*(Threefold Mission Strategy)***- Ṭhen Hnihna -***Upa Dr. L.N. Tluanga**Mission Veng**Mobile No: 9436141207*

Tichuan, Hlawh pêk Ngai lote Thawhtír tùr chuan kohhranin eng tin nge hma a lâk ang? He zawhna hi kawng nhihin i han chháng dâwn teh ang:

3.1.1 Mi Chhawr lai Thawhtír

3.1.2 Kan Tirhte Thawhtír

Kawng dang pawh a awm thei ang a; tùna tán chuan he kawng nhih hi kan han sawi a ni. He lama hma la tùr hian Ramthar office kan neih saah hian Cell/Péng thar emaw siam ni se; Partnership Committee lam nêna inpawh takin thawk se, a ṭhain a rinawma.

A ṭhen khatna – mi chhawr lai thawhtír chung-cháangah chuan, Chanchin Ṭha

hril ṭùlna ram, tùna kan thawh mékna emaw kan la thawh lohnaah emaw pawha – sawrkár hnathawk emaw mi chhawr tlâk leh hman tlâk tùr, chuta thawk mék, biak pawha, mumal taka thawh ho dân tùr ruahman a, hma lâk a ṭha ang a. Entír nán: IAS thawk mék emaw, thawk leh tùr emaw leh sawrkár hnathawk, kan kohhran mi rinawm, ramthar vei êm êmte pawh kan be pawp thei ang a. Chutiang zêlin mi dangte pawh. Hetah hi chuan kan sawi vek séng lo vang.

He hma lâkna hian kan kohhranin Para-Church Missionary Páwl kan pawm sate tirh chhuah, an missionary thawk laite a huam tel thei ang em? He zawhna hi rilruah a lo lang tel a; zawhna angin ka han sawi

lang a ni. Tûnah pawh Synod Mission Board hian, chutiang mi chu tentmaker missionary-a pawm mék a nei tih ka hria). A pahnihna – kan tirhte thawhtír – hi chuan Chanchin Ṭha hril mamawhna rama thawk thei tùr, mi rin tlâk leh chhawr tlâk nia kan ngaih, chu rama hna hmu tùra hma lâkpuia, hlawh kan pêk ngai lo va, hnathawk tùra tirh chhuah a kâwk ang a; hei pawh hi kan ruahmanna hian a hma tel ngêl thei ang a – Péng thar hawn tùr hian a huam ngêl thei tùrah ngai ila (Tûna kan sawi mék Intodelh Missionary chungcháng a thu zia pakhat han tàr lan ka duh chu Rev. Zosangliana Colney zia ‘MISSIONARY HLAWH TAM’ pp. 12-17 TIN JUBILEE MAURI Society 21 May, 2012-a mi kha a ni).

3.2 Kohhran Ding sate

Thawhtír: Hei hi kan tihhlawhtlin theih chuan kan kohhran Ramthar Rawng-bàwl na zawng zawngah a hlâwk berin ka ring. Heti hian han sawi ta ila: Mizoram chu India ram chhunga state

pakhat a ni a; Mizoram Presbyterian Synod chu Presbyterian Church of India zingah Synod lian ber a ni fál larh nân India ram pum mihring nêna tehkhin ralah chuan kan tlêm êm em a, uihum ang lek fang chauh kan ni.

Chu bâkah India rama mi chêng tam berin an hriat leh an hman, Hindi ṭawng, mahni ṭawng anga thiam taka hmang thei chu Mizo zingah kan vàng êm êm leh bawk a. India ram hi Chanchin Ṭha la hre lo, Lal Isua ring lo – khawvêl pum huap pawha – an tam berna ramah a chhal theih mai àwm e. Hei hi kan dinhmun a nih avângin India rama awmze neia Chanchin Ṭha hril chhuak tak tak tùr chuan, mihring bitna, India ram laili leh hmar lam (Central & North India) hi kan tuam a ngai a ni. Tûna kan thawh dàn ang hi chuan, han chhut vàng vàng pawh hian, a ngaihna a vàng khawp mai.

A kawng pawimawh tak nia lang chu – hêng mihring bitnaa kohhran ding sa, la

chak lo ve tak takte, Hindi
 ɬawng hmang leh Hindi
 ɬawng zir chawp ngai lova
 Chanchin ɬa hril ng̃h̃l mai
 theitute hi, kan thuam chaka
 kan thawhtír a ngai a ni. Chu
 chu kan ngaih pawimawha,
 kan veia, kawng kan zawna
 tihtakzeta hma kan lâk a
 ngai a ni. Hei hi kan pawm
 thei em aw? Engtia tih tùr
 nge ni ang le?

Synod Inkhâwmpui
 (Synod Vawi 95-na, Electric
 Veng, December 6, 2018
 Ningani zàn)-a thû ka sawi ve
 ɬum khán ‘*Kan thawh hlâwk
 zâwk nán*’ tih thupuia
 hmangin, he lam thû háwl tel
 deuh hian, ka sawi a. Chu chu
 THUCHAH leh THUZIAK 2019
 tih bu pp.1-10-ah chhuah zui
 a ni nghe nghe a. Hei hi a thei
 chuan chhiar ni se.

Eliza Embert-i kha Paris (France) khawpuia mi hausa tak
 fanu a ni a, Kristian nula fel tak a ni. A pasal átán tlangval tlâwntlai
 ɬa tak leh mai an hualsak a. An inneih hma ni tlai lama an ɬian
 ɬate nêna chaw an ei khâwm lai chuan a pasal hual chuan Kristian
 sakhua hmusit leh deusawh tak mai hian fiamthu a thawh a. Kristian
 sakhua chu pitarho sakhua, tlangval leh ɬalaiho tána han ngaih thutak
 tlâk pawh ni lo, thil ɬing tak niin a sawi a; an nui dar dar a. Eliza-i
 chuan chutianga fiamthu nána Kristian sakhua hmang tawh lo tùrin
 a ngên a. Ani lah chuan a lo ngai ho hle mai a, “*Kan monu fíng fel
 tak mai hi chu hetiang (sakhaw) thil áthlâkah hian a inhnám-
 hnawih duh ka ring hauh lo,*” tiin a la sawi ta deuh deuh va.

Eliza-i chu a insúm zo ta lo va. A pasal hual hnênah chuan,
 “*Aw le. Tûna ɬang chuan i ta ka ni tawh lo. Pathian leh a thu
 zahpah lo chuan inneihna thuthlung a vawng him lo tawp ang.
 Pathian hmangaih lo chuan a nupui pawh a hmangaih tak tak
 thei hauh lo vang,*” a ti ta hmiah mai a.

A pasal hual chuan a tih dik loh a inman ta. Mahse a tlai
 lutuk. A rilru taka sawi a nih loh thu leh Pathian a zah ve tho thu a
 han sawi ngial pawhin Eliza-i chu a dinnaah a ding nghet ta tlat mai.
 A nupui neih ni tùr chu a tán mualphona leh zahna ni a lo ni ta a.

***Ring lo mite nèn rual lo taka ngháwngkaw! bâl dùnin
 awm suh u; suahsualna leh felnain eng nge inɬáwmna an
 neih? (2 Kor 6:14)***

MEMBER THAR 2023

	Field	Hawn Kum	Jan-July 2023	BS/AS/FS/Director	Mobile No
I. HOME MISSION					
1	Home Mission North	1949	54	*Rev. R. Lalthmingsanga	9834028171
2	Home Mission South	1987	22	Rev. H. Lallanzara	9862252172
II. NORTH EAST REGION					
1	Arunachal 'E'	1991	35	Rev. R. Vanlalruata	9436163209
2	Arunachal 'N'	2016	42	Rev. Lalthanhawla	7005891654
3	Arunachal 'W'	2001	66	Rev. Malsawmtluanga	8974956446
4	Assam	2008	34	Rev. Billy Lalrinchhana	7304491106
5	Barak Area	1975	101	Rev. Lalrintluanga Ngente	7630077948
6	Karbi Anglong	1989	81	Rev. R. Lalhpauia	9004716673
7	Tripura	1986	514	Rev. H. Lalrinsanga	9436182378
III. CENTRAL REGION					
1	Delhi	1988	116	Rev. Laltharzuala	9856215725
2	Jharkhand	2008	413	Rev. Dr. C. Lalthanzara	8420279457
3	Calcutta	1988	656	Rev. J.C. Lalramliana	9674267192
4	Lucknow	1999	31	Rev. Dailamthanga	8787324957
5	Nepal	2000	110	Rev. Vanlelhruala	8729916430
6	Odisha	2016	46	Rev. Lalrintluanga	9672365970
7	Patna	1999	133	Rev. K. Vanlalhrata	9862123882
8	Siliguri	1988	57	Rev. Lalrinfela Pachuau	9436755927
IV. FIELD PUILLING LO, HMA LAKNA LIAN					
1	Masihi Sangati	1979	3553	Rev. Zochhuanmawia	9803528759
2	Cambodia	2010		Rev. Benjamin Lalrimmawia	*855 10 496 463
	BELH KHAWM		6064		

*Home Mission North bian borni hranga nei lovin, Pisapni bian a enhawl a ni.



Cultural and Literary Week (25-27.7.2023)
Khual lian leh Missionary-te
ROHMINGTHANGI MEMORIAL SCHOOL, RAJIV NAGAR
HOME MISSION NORTH

**MISSIONARY NURSE REFRESHER TRAINEES
JUNE-JULY 2023**



Thú-te (L-R): Pi P.C. Lalpui, Pi Lalrindiki, Pi Laltlanmawii, Pi Lalbiaktluangi, Pi Lalngaizuali, Pi Lalèngzuali, Pi Rebecca Lalñanpui, Pi R. Lalrinchawii

Dingte (L-R): Pi H. Laltlankimi, Pi C. Lalmangaihzuai, Pi C. Vanlalruati, Ni. K. Lalmuanpui, Ni. Zalthanmawii, Pi Lalmangaihzuai

MDTC-A THAWKTUTE

Thú-te (Vei lam aṭangin):

1. Pu Lalthanzauva
2. Ni. Lalduhawmi
3. Ely Lalremtluangi
4. Pu R. Laldinsanga
5. Pi Lalronguri
6. Pu Fodosing Molsom
7. Pu P.C. Ngurliantawna

Dingte (Vei lam aṭangin):

1. Pu Kapmawia
2. Pu K. Zirsangzuala
3. Pu Laltlankima Chhangte
4. Pu R. Mangthanmawia
5. Dr. Immanuel Pulamte
6. Pu K. Lallawmzuala
7. Pu Lalchhandama
8. Pu Lalrinkima

If not delivered please return to:
The Manager
Ramthar Chanchinbu
Synod Office, Aizawl, Mizoram
India. Pin-796001



To,
